

ოქმი № 1

ქალაქ ქუთაისის მუნიციპალიტეტის საკრებულოს ფრაქციის „ევროპელი სოციალისტების“ პირველი სხდომისა

5 დეკემბერი, 2025 წელი

ფრაქციის სხდომას ესწრებოდნენ: ფრაქციის წევრები: იოსებ კუჭავა, შოთა ჯიშკარიანი და თამთა ბაკურაძე.

სხდომა გახსნა ფრაქციის წევრმა, იოსებ კუჭავამ. მან წარმოადგინა სხდომის შემდეგი დღის წესრიგი:

1. ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ დაფუძნების შესახებ

2. ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარის არჩევის შესახებ

3. ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარის მოადგილეების არჩევის შესახებ

4. ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ წესდების დამტკიცებისა და ამ ფრაქციის დაფუძნების შესახებ შესაბამისი მასალების ქალაქ ქუთაისის მუნიციპალიტეტის საკრებულოს იურიდიულ საკითხთა კომისიისათვის წარდგენის შესახებ

ღია კენჭისყრით, ერთხმად, დაადგინეს:

ფრაქციის პირველი სხდომის დღის წესრიგი დამტკიცდეს წარმოდგენილი რედაქციით.

მოიმინეს:

დღის წესრიგის პირველი საკითხის – ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ დაფუძნების შესახებ

ზემოაღნიშნულ საკითხზე ინფორმაცია გააკეთა ქალაქ ქუთაისის მუნიციპალიტეტის საკრებულოს წევრმა, ბატონმა იოსებ კუჭავამ. მან აღნიშნა: „ადგილობრივი თვითმმართველობის კოდექსის 165¹ მუხლის თანახმად, უფლება გვაქვს პარტია „ქართული ოცნება - დემოკრატიული საქართველოს“ წარდგინებით, საკრებულოში არჩეული საკრებულოს წევრებისაგან შევქმნათ ფრაქცია. ფრაქციას აუცილებლად უნდა ჰქონდეს სახელწოდება. წინადადებით შემოვდივარ, რომ ქალაქ ქუთაისის მუნიციპალიტეტის საკრებულოში ამ პარტიით წარდგენილ საკრებულოს წევრთაგან დაფუძნებულ ფრაქციას ეწოდოს ფრაქცია „ევროპელი სოციალისტები“.

ქალაქ ქუთაისის მუნიციპალიტეტის საკრებულოს წევრებმა: შ.ჯიშკარიანმა და თ.ბაკურაძემ მხარი დაუჭირეს წინადადებას ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ დაფუძნების თაობაზე.

ღია კენჭისყრით, ერთხმად, დაადგინეს:

დაფუძნდეს ქალაქ ქუთაისის მუნიციპალიტეტის საკრებულოში ფრაქცია „ევროპელი სოციალისტები“ საკრებულოს შემდეგი წევრების შემადგენლობით: იოსებ კუჭავა, შოთა ჯიშკარიანი და თამთა ბაკურაძე.

მოისმინეს:

დღის წესრიგის მეორე საკითხის – „ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარის არჩევის შესახებ“

ფრაქციის წევრმა, შოთა ჯიშკარიანმა ფრაქციის თავმჯდომარის თანამდებობაზე დაასახელა ქალაქ ქუთაისის მუნიციპალიტეტის საკრებულოს წევრის, **იოსებ კუჭავას** კანდიდატურა.

ღია კენჭისყრით, ერთხმად, **დაადგინეს:**

ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარედ არჩეულ იქნეს ქალაქ ქუთაისის მუნიციპალიტეტის საკრებულოს წევრი, **იოსებ კუჭავა**.

მოისმინეს:

დღის წესრიგის მესამე საკითხის – „ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარის მოადგილის არჩევის შესახებ“

აზრი გამოთქვეს:

ფრაქციის თავმჯდომარემ, ბატონმა იოსებ კუჭავამ ფრაქციის თავმჯდომარის მოადგილის თანამდებობაზე დაასახელა ქალაქ ქუთაისის მუნიციპალიტეტის საკრებულოს წევრის, **შოთა ჯიშკარიანის** კანდიდატურა.

ღია კენჭისყრით, ერთხმად, **დაადგინეს:**

ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარის მოადგილედ არჩეულ იქნეს ქალაქ ქუთაისის მუნიციპალიტეტის საკრებულოს წევრი, **შოთა ჯიშკარიანი**.

მოისმინეს:

დღის წესრიგის მეოთხე საკითხის – „ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ წესდების დამტკიცებისა და ამ ფრაქციის დაფუძნების შესახებ შესაბამისი მასალების ქალაქ ქუთაისის მუნიციპალიტეტის საკრებულოს იურიდიულ საკითხთა კომისიისათვის წარდგენის შესახებ“

ფრაქციის წესდების პროექტი წარმოადგინა ფრაქციის თავმჯდომარემ, ბატონმა იოსებ კუჭავამ.

აზრი გამოთქვეს:

ფრაქციის წევრებმა აღნიშნეს, რომ წარმოდგენილი წესდების პროექტი შესაბამისობაშია მოქმედ კანონმდებლობასთან და გამომდინარე აქედან, მიზანშეწონილად მიიჩნევენ მის დამტკიცებას წარმოდგენილი სახით.

ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ თავმჯდომარე, იოსებ კუჭავა შემოვიდა წინადადებით, მოქმედი კანონმდებლობით გათვალისწინებული წესით, ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ დაფუძნების თაობაზე შესაბამისი მასალების ქალაქ ქუთაისის მუნიციპალიტეტის საკრებულოს იურიდიულ საკითხთა კომისიისათვის მიწოდების თაობაზე.

ღია კენჭისყრით, ერთხმად, **დაადგინეს:**

მუხლი 1. ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ წესდება დამტკიცდეს წარმოდგენილი რედაქციით.

(ფრაქციის წესდება ოქმს თან ერთვის)

მუხლი 2. ქალაქ ქუთაისის მუნიციპალიტეტის საკრებულოს ფრაქცია „ევროპელი სოციალისტების“ მასალები ამ ფრაქციის დაფუძნების შესახებ, მისი საკრებულოში რეგისტრაციის მიზნით, წარედგინოს ქალაქ ქუთაისის მუნიციპალიტეტის საკრებულოს იურიდიულ საკითხთა კომისიას განსახილველად.

ამით, ფრაქციის სხდომამ მუშაობა დაამთავრა.

საკრებულოს ფრაქცია „ევროპელი სოციალისტების“ თავმჯდომარე

იოსებ კუჭავა

